

# INUIT ATAQATIGIIT INATSISARTUNI



UKA2021/141

06. oktober 2021

Pipaluk Lynge-Rasmussen

**Uunga siunnersuut: Avatangiisit innarlitsaaliorneqarnissaannut Inatsisartut inatsisaannik allannguineq pillugu Inatsisartut inatsisaat nr. Xx, xx. Xxx 2021-imeersoq.**

**(Nunalerinermut, Imminut Pilersornermut, Nukissiutinut Avatangiisinnullu Naalakkersuisoq)**

Naalakkersuisut sinnerlugit Naalakkersuisunut ilaasortap allannguutissatut siunnersuutaanut Inuit Ataqatigiit qujarusupput.

Inuit Ataqatigiit anersaavanniippoq avatangiisitta innarlitsaaliqarnissaa illersorneqarnissaalu, tamannalu nammineerluni takkunneq ajorpoq. Pissutsit allanngorartuarput. Allannguutit nunarsuup ingerlaarneranut akuuginnarput, taamaattumik pitsaavoq avatangiisit innarlitsaaliorneqarnissaannut inatsisip nutarterneqarnissaa.

Oqariartaatsit nutarterneqarnerisigut maannakkut akiliisitsisoqarsinnaalissaaq aammalu mingutsitsisoqarnerani nalunaartussaataaneq atuutilissalluni, aamma inissaminiippoq pinngortitap ullumikkutut atornerarnerani meeqqatta ernuttattalu siunissami uagutsituut atuisinnaalernissaat qulakkeerniarneqarnermat, taamaattumik avatangiisit illersorneqartariaqarput.

Inuit eqqagassanik pilersitsiuarput, aamma qulakkeerneqartariaqarpoq eqqagassat isumagineqarnissaat. Eqqagassat isumagineqarneranni nunatut eqqagassanik isumaginittarneq, suliareqqiisarneq imauunniit ikuallaasarneq immiinnut ataqatigiittariaqarput, aamma isumagineqarsinnaasariaqarlutik.

Tusarniaanermi akissutini inatsisissatut siunnersuutip nuannaarutigineqarnera tusarlugu nuannaarpunga, soorlu Kommuneqarfik Sermersooq allattoq "allannguutissat avatangiisinut inatsisip nukittunerusumik aallaaveqarnissaanut, taa-

# INUIT ATAQATIGIIT INATSIARTUNI



maalillunilu maleruagassat malinneqarnissaannut atuutsinneqarnissaannullu periarfissanik pitsaanerusunik ammaassisoqarnissaanut iluaqutaassasut.”

Taamatuttaa<sup>q</sup> Nukissiorfiit nassuerutigaat ”eqqakkanik eqqortumik akisussaas-sulimmillu paaasarnissap pisariaqartinneqarnera Nukissiorfinnit tamakkiisumik akuersaarneqarpoq, aammalu qanittumik suleqatigiinnissaq.” il.il.

Taamaasilluni avatangiisitta illersorneqarnissaannut aammalu eqqagassaleri-sarnerup siunissatta mingutsitsiffiunnginerusup angujartornissaanut Naalak-kersuisut pilersaarutaat neriunaateqarpoq.

Taamatut oqaaseqarlunga Inuit Ataqatigiit sinnerlugit inatsisissatut siunnersuut toqqillunga akuerisinnaavara, aappassaaniinnginneranilu ataatsimiititaliamut susassaartumut ingerlateqqillugu.